

Da poi disnar fo pregadi. Et leto le letere sopradite et altre; et fonno, su certa materia secreta, sacramentà il pregadi; et fo consejo di X im pregadi. Et da poi licentiat el pregadi, restò consejo di X, pur con la zonta, et elexeno sier Zorzi Emo, savio dil consejo, sora le provision di l'arsenal, artellarie, meter in hordine il tutto per far armada su questi lagumi, bisognando; el qual dia elezer do zentilomeni soto di lui a sollicitar etc. E continuamente si buta artellarie a la Zuecha, in l'arsenal e altrove, di bronzo, zoè canoni etc.

*Questi sono li cittadini brexani rebelli,
tutti gebelini.*

El conte Zuam Francesco da Gambara.
El conte Nicolò da Gambara.
El conte Alvixe Avogaro.
Domino Hironimo di Duchi.
Domino Zuan Batista da Piam.
Domino Apolonio di Boni.
Domino Piero di Porcelaga.
Domino Sigismondo di Bochi over Duchi.
Domino Lodovico Nasino.
Domino Giacomo di Feroldi.
Domino Manuel Lana.
Domino Zuam Antonio da Monte.
Domino Hironimo da Gavardo.
Domino Zuam Francesco da Guzago et altri.

178* *Copia dil mandato, per il qual le terre nostre
si rendevano a l'imperio.*

Magnificus et generosus dominus, Leonardus de Tresino, dignissimus capitaneus sacre majestatis cesaree.

A tutti li gubernatori de le cità et castelli infra-scripti, *parte nostra* vi faciamo intender, che viste le presente nostre, che subito subito, con quanta presteza sia a voi possibile, debiati vegnir a Padoa a trovar la presentia nostra et zurar fedelità a lo imperio nostro. Se cussì, fareti cossa grata a lo imperio et de esso consequireti infinita gratia; *sin autem*, aspetafime con tutto el mio exercito et vi meteremo a sacho, et poi a focho et fiamma.

Datum Vicentie, 6 junii 1509.

Li castelli sono questi, *videlicet*:

Asollo, Feltre, Civald, Conejam, Treviso, Se-raval.

Insuper vi comandemo sia provisto del viver per lo presente lator, per lui e cavallo, et da terra in terra et da locho a locho sia mandato le presente, quanto cometerà el lator presente.

BARNABA DE SABELLO.

cancellarius, mandato subscripsi.

Uno altro mandato.

Perchè per le guerre adesso ocorente tra la sacratissima regia majestà da una parte et lo illustrissimo duca dominio de Venexia da l'altra parte, se potria zenerar detrimento a li hebrei habitanti in Bassan, Castel Franco, Asolo e Citadella, et conzosia che essi da la prefata sacra regia majestà siano stati et siano facti de la corte et securi, aciò che da li habitanti et da ciaschaduni altri non possano esser molestadi, se intima et destramente se comanda, che sotto pena de la desgratia de la prefata sacra regia majestà, a qualunque sindici et gubernatori de' dicti castelli, Bassan, Castel Franco, Asolo e Citadella, che sotto dita pena de indignation, nè per l'horo, o cadauno de l'horo over per soi subditi, detrimento alcuno se fasia a' dicti hebrei in quel luocho habitanti; se altramente farano, incorano in essa indignation. *In quorum fidem etc.*

Datum Bassani, die V.º junii 1509.

Subscriptio :

BERNARDUS BAREGIA,

cancellarius jurisdictionis Castri Silve et Lavegi, et in hac parte delegati predicti commissi fieri jussi, et in fidem premissorum me subscripsi die dicta.

Questi fonno im precessione el zorno dil Corpo di Christo, su la piazza di San Marco, 1509, quando erano armati atorno deputati, de li qual ne ho voluto far qui memoria.

El serenissimo principe.

Sier Bortolo Minio	}	consieri.
Sier Nicolò Pixani		
Sier Polo Antonio Miani		
Sier Piero Balbi		
Sier Alvixe Malipiero		
Sier Nicolò Michiel, procurator.		
Sier Antonio Trum, procurator.		
Sier Domenego Trivixam, procurator.		